



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 75. Conventus Mantuæ a Papa indictus, & Galliarum Rex de eo certior factus.

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

§. LXXIV.

*Inauguratio Pii II. Pontificis
Maximi.*

Sæcul. XV.
A.C. 1458.

Interea Pius II. postquam Romæ die ter-
tia Septembris coronationis suæ insi-
gnia suscepit, omnes Christianos Principes
encyclicis literis de sua electione certio-
res fecit, eosque perdemisse adhortatus
est, ut pias pro ipso preces ad Deum funde-
rent. Eadem occasione epistolam die *Aeneas Sylv.*
quarta Mensis Decembris ad Academiam *ep. 384.*
Parisiensem dedit.

§. LXXV.

*Conventus Mantuæ a Papa indictus,
& Galliarum Rex de eo certior
factus.*

Ceterum Pontifex probe sciebat, quod
Turcarum potentia eo magis augere-
tur, quo plus Principum Christianorum pax
ac concordia decreveret, hinc omni co-
nato eos ad unionem revocare studuit;
cum vero paratum semper gereret ani-
mum ad recipienda quoque eorum consi-
lia, quorum opem pro fide orthodoxa ad-
versus infideles implorare deberet, hinc
Mantuæ, cum urbs esset situs opportunita-
te adeuntibus percommoda, conventum
indixit, omnesque Christianos Principes eo
N n 2 acce-

Sæcul. XV. accedere hortatus est, ut de necessariis ul-
A. C. 1458. teriores Turcarum progressus inhibendi
 mediis deliberarent.

Æn. Sylv.
epist. 385.

Exstat insuper epistola ad Carolum VII. Franciæ Regem die tertia Mensis Octobris data, qua illum Pontifex rogat, ut ipsemet Mantuano conventui, qui ad Mensem Junii Anni sequentis indictus erat, interesse dignaretur. Equidem Papa Gallis parum addictus erat ob Sanctionem Pragmaticam, cujus tamen ipsemet præcipuus Auctor erat, cum adhuc in Concilio Basileensi se Eugenio IV. adversari palam, aperteque profiteretur. Nihilominus in præfatis literis Regem appellat *devotissimum Principem fidei, & Religionis Christianæ defensorem præcipuum* eumque hortatur, ut Concilium hoc sua præsentia honorare velit: *Fore namque ajebat, ejus accessum maximæ ad hoc salutare opus utilitatis, non eo solum, quod sapientii suo consilio dirigere tantam molem gloriosissime posset, sed quia gentes & Regna, si audierint Christianissimum Regem Francorum relictis Sedibus suis ad tuendam & augendam communem causam Altissimi cum Romano Pontifice convenisse, erubescerent exemplum ejus non sectari.* His addit, si forte Regia sua Majestas venire non posset, saltem Oratores suos mitteret cum plena potestate, non ad decernenda solum ea, quorum causa Conventus hic indicitur, sed ad

com-

componendam pacem, vel inducias cum iis, quibuscum ei esset forsitan contentio; ut de-
 mum placatis ubique Fidelibus concordius acceptum opus promoveri posset. Denique Regi ob oculos ponit, eum non immerito ob Christianum nomen egregie a Progenitoribus suis defensum, nomen CHRISTIANISSIMI ab illis hæreditarium accepisse, illumque potentia singulari omnipotentem Deum insignire voluisse, ut esset, qui tempore necessario, quale nunc immineret, illam ad protectionem sui gregis conferret, Ultimo significat Regi, se ideo Mantuanam Civitatem delegisse, ut vel ipse, vel saltem Principes aliqui de latere ejus illuc accedere facilius valerent.

Sæcul. XV.

A.C. 1458.

§. LXXVI.

Gallarum Regis Responsum ad Papam.

Rex confestim rescripsit, ac præprimis Papam, ejusque pia consilia commendans, spondit convocaturum se Prælatos, ac Principes aliosque Regni sui magis conspicuos Viros, ut rem maturius tractarent: quæ autem eo coetu conclusa forent, se per suos Oratores plena potestate instructos summo Pontifici significaturum promisit.

Æn. Sylv.
epist. 386.Cochl. Hist.
Eluffit. lib. 12